

Laisiangthou Bulphuh

*Aziak tuh, genkholhna himhim mihing
deihdan a kipan hong suak ahi ngeikei
a, Pathian misiangthoute'n,
Khasiangthou pidan dungzui a agelh
uh ahizaw hi.
2Peter 1:21*

Thumna Makai

> Pathian kianga hon ompih gigena te ziak in kipathu gen ni. Tukum a hunte bang chi zat ding chi a itheihlough lai in nitampi te a hon tonpih tak man in.

> January khasung a Amah min thupina dia sep leh bawl, kizatna l neihte ziak in Amah (Pathian) kia in Thupina tang hen la, sepkhelh/val omleh A ngaihdamna ngen in thum ni.

> February kha sung a programme tuam tuam l neih te, Tuailai camp, cell prayer fellowship, meeting lohcing tak a l neih theihna ding in thum ni.

> l Tuailai camp thugentu dia l seh Evangelist T. Damkothang a ding in thunget sak ni. A pianna pa tulel in damlounhna ziak in ki-enkol lel hi, hong damsiang a l hun te thoveng tak a l zat theih na di'n.

> Central Solkal in sum note 500 & 1000 hon sihsak phut ziak a mimal, inkuan banah saptuam hon sukkhak lam l theichiat hi. Hiai solkal panlakna ziak a Agam nasepna in a bahloh lounhna ding in heutate, sumsaite thumpih in, mimal chih kithumpih chiat ni.

> March 2017 a Saptuam kitelna omding toh kisai - kisakkholhna a paille lai in, kitelna vaisai dingte, teltu ding saptuam mipite leh tel a omding candidate-te Toupa khut ah kikemsak ni. Toupa'n a deih mite tel thei ding in thumna in na laan ni.

> Nipini nawn February 05, 2017 a Nipini masapen hun a biakkhawmna hunseh kigelte Toupa khut ah laan ni. Hiai hun a chidam a Amah bia leh phatte lak a tel ding a kisakhawl in Amah ompihna ngen ni.

SAPTUAM BANK ACCOUNT DETAIL

"Evangelical Baptist Convention, Delhi"

A/c No. 11084241142

State Bank of India, New Delhi Main Branch,
Parliament Street, New Delhi - 110001,
IFS Code SBIN0000691

Email: finance@ebccdelhi.org leh
Mob. No. 9818687331 ah piakna details
theisak zel le kichian mahmah ding.

TUNI BIAKNA HUNZEK

09:30 AM : Counselling Hun

11:00 AM : BIBLE SUNDAY- ZINGLAM BIAKNA KIKHOP

Pathian' Phatkhawmna : WT makaih in.
Thumkhawmna : Mipi
Thilpiak/Latna : Upa T. Thiankhanmuan
Pem Laklutna :
Bible Sunday Special : Gideon International
Thugenna : Pastor N Tuang Lang

Thupi: **BIBLE SIM & SIN A POIMAWHNA**

Pathian' Phatkhawmna : WT makaih in.
Thumsakna/Vualzawlina : Pastor N Tuang Lang

2:00 PM : BIBLE SUNDAY- SUNNUNG BIAKNA KIKHOP

Biakna leh Phatna : WT makaih in
Thilpiak Latna : Upa Langkham
Special no. : Lia Sylvia Sanmawi
Thugenna : Pastor H Biakson

Thupi : **BIBLE SIM & SIN A POIMOHNA**

Special no. : Lia Agatha
Hunkhakna / Vualzawlina : Upa T. Thangkhosiam

SINGPI DAWN A KITHUAHKHAWMNA - TEA FELLOWSHIP

Nipini paita [22.01.2017] Biakna Thilpiak Lakkhawm

Sawm-a-khat - ₹ 76,780 /-; Nipi Thilpiak - ₹ 9,145 /-
Missionary vakna - ₹ 76,780 /-; Joint Project -Nitha - ₹ 2516 /-;
BDF Antang Pham ₹900 /-; Bial Fellowship -₹ 200 /-;

NIPINI NAWN BIAKNA HUNZEK

February 5, 2017

9:30 AM : Thumkhawmna; Pitu: Pastor

11:00 AM : ZINGLAM BIAKNA - SAPTUAM MIPI THUMKHAWMNA

Pathian' Phatkhawmna : WT makaih in.
Thilpiakte Latna : Upa Damsawmthang
Thumkhawmna hun masa : TUAILAI CAMP DING TAWH KISAI.
Thumkhawmna hun nihna : POIMAWH SAK LEH VEITE
KIKUPKHAWMNA.
Thumsakna & Vualzawlina : Pastor N Tuang Lang

2:00 PM : SUNNUNG BIAKNA - SAPTUAM MIPI THUMKHAWMNA

Pathian' Phatkhawmna : WT makaih in.
Thilpiakte Latna : Upa Ngulminthang
Thumkhawmna hun masa : TUAILAI CAMP DING TAWH KISAI.
Thumkhawmna hun nihna : POIMAWH SAK LEH VEITE
KIKUPKHAWMNA.
Thumsakna & Vualzawlina : Pastor H Biakson

SINGPI DAWN A KITHUAHKHAWMNA - TEA FELLOWSHIP

*Thugen & Lasakte tungtawn a
Toupa' vehna tangngei din kisa ni.*

HIHNA KITHEIHCHETNA

Khovel mihingte lak a buaina tampite tuh hihna kitheihchet louh (identity crisis) ziak a buaina ahi. Hihna kitheihchet louhna in mite hinsan neihlouhna, mahni nna poimohpen theihtheih louhna ziak a lampialna, tua hang a manpha leh diktak a kizatkhak theihlouhna hon tun hi. Hiai mah tuh mimal hinkhua, innkuan, saptuam, gam leh nam buaina leh siatna ana hisek hi.

Sawltak Paul in, Ephesa saptuamte a laikhakna ah, a hihna kichiantak in a pulak hi. **"Paul, Jesu Khrist sikha, sawltak hiding a sap, Pathian' Tanchinhoih lam a khenkhiak" _ a kichi hi (Rom. 1:1)**. Paul tuh a hihna kitheichian mahmah mi ahihziak tak in hiai khovel ah bangmah dang in subuai zou lou hi. Jesu Khrist' sikha (bondslave) - a pu (master) thunuai a om a, a deihna kia sem ding a kipumpiak ahi. Apostle nna sem ding a sapna tang, Pathian' tanchinhoih hinpih leh puangzak ding a sehtuam ahihdan a kitheichian mahmah hi. Khrist itna in sawlteitei ahihdan leh tanchinhoih gen keileh a tunggik ding, tua ziak a phakchiam delh a theihtawp suah a pang ana hi hi.

Tulai in, buaina tuamtuam in hon bawm hi. Huihnung tuamtuam a tam a, khovel solkal buaina, politiks a buaina, namsung, saptuam, khotang leh innsung buainate a om hi. Eilawi khol houh tulai in kum 5 dan a i buaipih sek uh, chih di hia, hon buaisak sek chihzawk di hia, electoral politics bouruak in hon nuai nawnta hi. Hiai zaw etsakna khatlel ahi.

Hiai bang buainate lak ah, mahni hihna kitheichian a, kua ka hia, bang hih ding a Pathian apan mohpuakna piak a om ka hia, bang ahia sapna ka tanna leh ka hinsan? chihte a chiang mahmahte a buai tuankei uhi. Mahni hihna kitheichian loute bel, hiai hunte ah a hamhah ua, amau hih dia kilawmloupi a hih ua, a seplouh dingpite uh sem in, buaina behlaptu, khovel buaisaktu a suak uhi.

Himahleh Paul bang a, mahni hihna kitheichian te bel buaina hihvengtu hong hiding uhi. Amau hihna toh kituak a hih ding leh hihlouh ding kichiantak theikak mite leh tua bang a omte ahihman un. Tua bang mite tuh a lohching ua, midangte adia vualzawlina a hong hisek uh.

Unau, na hihna na kitheichian hiam? Pathian in nang bang hih ding a hon siam hi'n na kithei a? Jesu Khrist tungtawn a bang hamphatna leh mohpuakna sem ding a sap leh seh hi'n na kithei a? Kua' sikha na hia? Bang ding a sehtuam a om hin na kithei a le?

Paul bang a mahni kitheichian hi a, tua mah lenkip a theihtawp suah a amanphatak a kizang, mi lohching leh vualzawlina hithei ding in Toupan hon ompih hen!

JOINT FELLOWSHIP 2VEINA HUN SUAN IN OM

Hongtung ding Feb. 11, 2017 a Departmental Joint Fellowship 2veina neihdia sawm leh theihsakna kibawlsa toh kisai a kisaipihte kiang ah ahun suan ahi chih I kizasak hi.

Pathian in hunlem leh damna toh hon ompih leh, March 4, 2017 (Kiginni) in, ahun leh mun ngei a program bangmah khek lamdang omlou a zat hiding chih ahi.

TBSUC JOINT MEETING OM

EBCC Delhi leh Central Delhi kigawm, Tualsung Baptist Saptuam Upa Committee in zan kiginni (28.1.2017) in EBCC Delhi Biakin basement ah joint meeting nei uhi.

Hiai hun ah Delhi EBC Complex toh kisai EBC Kumsim Khawmpi 68na/2016 in hon pompoh thu leh huai nna sepuina a mala ding makai sehna nei uhi.

EBCC Central Delhi a kipan Pa Pumchinkhup Guite, Upa Kham khansuan leh Upa K Biakkhanmangte seh hi ua, EBCC Delhi a kipan in Upa Ngulminthang, Upa T Gou Khangin leh T/Upa V Vumlungmang te seh hi uhi.

Amate'n hun lemtang masa ah EBCC Central Delhi Pastor Quarters ah Pastorte makaih in OB form-na leh maban sepuina dingdan kikupna hun nei ding uh chih ahi.

Huailou in, Delhi a om EBC member record toh kisai Common Membership Format zuihtheih/zattheih om hiam chih toh kisai leng genkhak hi a, hiai pen Saptuam tegel in amau a' tuak kizen leh feltak a hon update uleh kingakna tham dia lamem in common record neih teitei kul salou uhi.

Hiai hun ah Pastor H Thangchinkhup vaidawna hikawm in sun ann nekkhawmna member paikhawmtan nei uhi.

BCD DEVOTION PROGRAM

January 29, 2017 (11 :00 a.m.)

| | |
|-----------------------------|----------------------------------|
| Pitu | : Htp. Sonlal |
| LST. sim a thumna | : Np. Lydia Nianglunmawi, Inter. |
| Phatkawmna | : Laspite' Makaih in |
| Thugenna | : Pastor H. Biakson |
| Thupuanna | : A om bangbang |
| Thilpiak Latna & Hun khakna | : Htn. Ngaikhansiam |

Note:

1. Programme bawlte thumna in delhzui ni.
2. Tan nei buaina ziak a kihel theilou ding I om chiang in abaih theilam in superintendent hiam secretary hiam zaksak hipah leh chih I kingetna ahi.
3. Khanawn chiang programme di leh naupangte leh heutute damtak a hon kepna di ngen ni .

PRAY, PLAN & PARTICIPATE

YOUTH CAMP

FEB. 15-19, 2017

at EBCC Delhi

Jhupi:

"Ginna ah na om na uh hiam" 2 Cor 13:5

Jhugentu :

Evan T Damkothang, Evangelist at Large, EBC

Jhumna a phawk in,

kisakhawl in a huntak ah telchiat ni.

TUKUM THUPI DING

Director of Ministries, EBC a kipan laihawm - 2017 Saptuam Department tuamtuam ading thupi kikhen hiai bang ahi.

SAPTUAM

Mimal a khrist Diklatna a Kilamthakna

(1 Kor.1:30;Rm.6:13;Kol.2:6-7;Gal.6:7-8)

DORCAS

Na omdan uh Khrist Tanchinhoih toh kituaksak photphot un

(Phil. 1:27; BSI thak)

YOUTH

Thutak leh Diklatna a Kilamtuou Tuailai (Pau. 14:34)

CHILDREN

Khrist adia Sehtuam (1 Pet. 2:9)

JOINT BUILDING PROJECT TOH KISAI

Delhi a EBC Complex Project a neihdia EBC Khawmpilian a thusun, In Principle a pom hita hi.

Hiai toh kisai a poimoh bangkim saizui leh ma hon la dia Delhi a om EBC Saptuamte Khawmpi'n hon sep ahihman in Joint Project adia thohlawm I kaihkhawm lel Nikhat Tha - tutan a pesate tung ah kipahtu genkawm in pekha nailou I omleh chikpailpeuh a piaktheih ahih chih I kizasak hi.

Hiai project adia malatu Joint Project Committee in a poimoh bang in pan la zom zel ua, thohtu/petu lam in leng thathak la a kisuk ding in I kilamen in I kingen hi.

TUAILAI CAMP SUB- COMMITTEE

Director - Pastor N.Tuang Lang
 Program Co-ordinator - Pastor H.Biakson
 Secretary - Upa T. Thiankhanmuan
 Finance - Upa Tuanmuanthang
 Mess In-charge - T/Upa Songzalian
 Physical Arrangement - Upa Damsawmthang & Upa Ngulminthang

TUAILAI CAMP REGISTRATION

Tuailai camp a tel ding mi 120 (I mun in hon dawl di zah) a limit ahih man in a telding te'n min a baih theih lam a piaklut ngai ding hi. Hiai anuai a Heutu te kiang a min piak lut theih ding hi.

01. S.Lianlalmuan (9873112735)
02. Kapgoulian Vualzong (9999391461)
03. P Chinliankhup (9873706127)
04. Office Assistant (9555831587)

BYF KIZAKSAKNA POIMOH

1. February 05,2017 nitaklam kikhopna hun ah 2017-18 BYF Com mittee candidate ding telna in Primary Election neih hiding.
2. Kum 2016 sunga tuailai member Laisianthou simsuak te list kaih khawmna pai lel a, ana simsuak ten BYF Committee khat peuh ana thuzak ding a nget ihi.
3. BYF camp a ding registration pai lel. Biakinn mun a leng Committee member te khat peuh kiang a thukan theih ding.

SJCC IN DEPARTMENT 3 BAWLKHIA

EBCC Delhi Silver Jubilee, June 21-25, 2017 sung zat hun a intekpan a vaisai ding SJCC seh a omte'n apaita 25.1.2017 a meeting nei in Jubilee hunzat sung a thupi ding - Toupa Lamtuou Saptuam (Mat. 16:18) chih tel in om a, Department poimoh ding golpipi 3; Programme Department, Publication Department leh Physical & Hospitality Department -te a seppih ding member guanna nei uhi. EBCC Delhi leh Central Delhi a kipan heutu kizen leh zuanzang telkhawmte'n hiai programme ah intekpan in ma hon kai ding uhi.

ADVERTISEMENT FOR FILLING UP ONE POST OF CARE-TAKER FOR EBCC DELHI

EBCC Delhi' saptuam a semding Care-taker lak kisawm hi. Hiai nna sem dinga chitna leh hamphatna te anuaia bang ahi :

01. Post min : Care-taker
02. Post awng zah : 1(one)
03. Pay & Perks : Rs. 10,000 + free accommodation (with free water supply and power upto 3600 kwh p.a.)
04. Sepding/A nna : As assigned by the Office Supervisor, in addition to works as defined in the Office guidelines
05. Nasep hun : Hun bubit (Full time)
06. Chitna : **a) Essentials** - Class VIII passed (mini mum), Christian, EBC Saptuam a full communicant, omdan leh gamtata siangthou, Hindi pau thei, taksa kum 25-45 kal mi ahi ding (relaxable upto 10 years for ex-serviceman, if any)
b) Duhthusam (desirable) -Driving license nei, inkuan tawm deuh/single
07. Lak dingdan : Personal Interview by Recruitment Board
08. Date of Interview : 11 AM, 18th February 2017 (Saturday) at EBCC, Delhi.
09. Service condition (general) : Selected candidate shall be purely on a contractual basis for a period of 2(two) years; [kum nih (2) adinga contract appointment ahi ding] i.e. March 2017 to February 2019.
10. Nasep etkaina(supervision) : Care-Taker niteng nasepna leh kizatdan Local Pastor in a enkai dinga, nnasepna leh sepdan toh kisai gen ding om peuhmah TBSUC ah atun ding hi
11. Jurisdiction : Hiai nna EBCC Delhi Local Saptuam a liauliau ahihmanin, EBC Hqrs. or local saptuam dang toh kisaina anei kei hi.

Lunglutna neiten 12 February 2017, 8PM tan in Pastor/Upa khatpeuh recommendation letter tawh thuahin, hiai anuai min kipia te kiangah application submit ding ahi –

langkham@gmail.com or whatsapp at 09810999329
goukhangin@gmail.com or whatsapp at 08750800999
thuambiaklian@gmail.com or whatsapp at 09899683270

Theihtuak:

Kuan-le-pai mahni kiseen ngaiding
 Theihbeh nop omleh a tunga mobile No. kipia te ah kanchet theihding.

February 2017 USHER

Toupa'n dam a Khathak (February) hon muhsak lamem in FEBRUARY 2017 sung Mipi Biakkhawmna hunte a Usher dingte

11:00 AM Biakna :

Tualsung Baptist Dorcas Fellowship a kipan

2:00 PM Biakna :

Munirka Area - 1 Fellowship a kipan

NA SIHNUNG CHIANG IN KOI AH NA PAI DIA?

- Kapgoulian Vualzong, Secretary, TBYP

Tuni'n A misiangthoute la dingin Jesu hong pai hileh nang leng na tel kha diam? Jesu a hong painawn chiangin A misiangthou/piangthakte kia pitouh in om dinga, piangthakloute nutsiat in om ding hi. Gingtute'n Hondampa tawplou in phat ding uh a, nutsiat a om ginglou mite'/piangthakloute tangtawn gawtmun-kah leh hagawi na mun a paisak in om ding hi.

Mihing hinkhua zaw mei hongkai a mangnawn pah bang lel ahimanin I tangtawn mun ding I bawl poimoh petmah ahi (James 4:14). Tangtawn ichih chiangin tawpni/beini om lou ding chihna ahi. Tu khovel a tomchik sung nopsak I ut ziakin I tangtawn mun ding I gelfel louh khak ding a lauhuai mahmah ahi.

Maban ding kuaman I theikei. Himahleh khatvei tei si ding ihi chih kuaman I haih kei. Sihna in kuamah khentuamlou a zohlah leng neilou hi. A zawng ahau, a mawl pen leh pilpen te leng khatvei tei a si ding. Bang chik hun a si ding ihia chih I theikei. Hunhoih I neihlai in Hotdamna tangsawm in pan ila ding uh.

I hoihna te ziakin vangam I kai kei ding. Pathianni tengin Biakinn ikai ahi maithei, sawm a khat pellou a pe gige, area fellowship te a active taka pang, saptuam vai peuhmah ah a sempen bang leng ihi kha maithei. Nu leh pa thumang, khamtheih guihtheih leng khoihkha lou a siangthou tak a hinkhua zang le ihi maithei ahi. Banah, inkuan khankhiakna leh kikepna hoih ziaka khelhna bang leng ana hih lou, theilou himhim bangleng I hi maithei. Himahleh Pianthakna diktat I neih kei in zaw I hoihna te'n vangam a hon tunpih kei ding (Matthew 19:16-22).

Mihing ihihna a bah hun I nei chiat ngei ding. Pianthakna kichiantak neisa hinapi nungtolh hun leh bah hun om chiat dingin a gintak huai. Thamlouin sepna leh sinna ziak, omna mun ziaka leng khalam keutak a om theih ahi. Piangthak hinapi nungzuihna hinkhua zatkhak louh theih ana himawh ahi.

Khovel a I omsung in haksatna chi tuamtuan I tuak ahi. Haksatna tuak gingtu te'n bel a dou zou teitei hi (I Cor 10:13). I laisimna, sepna leh niteng hinkhua zatna ah haksatna chi tuamtuan I tuak maithei. Mite' simmohna, nelhsiahna tampi leng I thuak ahi maithei. Nektak zonna ah kining chingtak le lohke zoulou bang, siamsinna a lawmte simmoh pen le ihi maithei. Sepna zonna a le deihhun a le mulou a, lungke taka hinkhua zang bangle ihi maithei ahi. A ziak tuamtuan ziaka khamtheih guihtheih sal a tangkha a kingaise taka hinkhua na zang leng ihi maithei. Hun paisa a hihkhelh sakkhelh ziaka guilty feeling nei den a om a maban pai dingdan himhim leng ngaihtuah khe theilou leng ihi maithei. Tuni'n khovel tunga vualzou, sihna nasan inleng a let zohlouh Jesu, eite hondampa a om ahi. Tuni'n nang huai vualzohna/tatna nasang ta hia?

Hiai khovel kikhenna gam ahi himahleh gingtu te khatvei tei I kimu nawn ding. A changin Innlam I pai a, innkuan leh lawm leh vualtoh

hunnuaum tak I zangkhawm. Sawtlou nungin alou theilou a kiik nawn hong ngai zel. Sawtlou nunga ki mukiik nawn ding himahlegh khualzin dinga kikhak khiak maimai leng haksa hi a, tangtawn a Ikhikhen khak ding zaw haksa na maizen inchia chih in a om hi.

Jesu A misiangthoute la dingin tuni hiam zingchiang hiam in a hong paikai ahi maithei. Himahleh zingni thaini a I tunga bang thil hong tung ding hiam chih kitheilou ahi. Jesu hongpai ma a I sih leh ei a dia khovel bei hi ding. Huaiziakin hun hoih I muh lai in Pathian naih in Hotdamna tang nailou ihih leh tang sawmin naaktak in panla ni. Hotdamna tangsa ihih leh a tang nailou te lampi kawkmuh tu in pangchiat sawmni. Hotdamna ichih Tangtawn Hinna neihna ahimanin nak manphat lua ahi.

Hun tawpni chiangin Toupa sapna ah ivekin kim theileng zaw maw, Naubang a kahna luankhi nulna te daibang a theng ding hi...

Sihna hiam Jesu hong paina hiamin Hotdamna I neih hon makhelh in zaw I tan ding gawtmun hi ding ahi. A hun kikhel nungin sam mah lehang dawnin I om nawn kei ding.

Maban ah Hotdamna Camp 15 Feb nitak apatin 19 Feb, 2017 sun tan om ding ahihna ah, hiai hun poimoh tak mansuah lou dingin kisa ni. Hiai bang hun lemtang mu gige lou ding ihihna ah tel ngeingei I sawm ban ah I lawm leh vual, u leh naute leng tel ngei dingin hasuan chiatni. Muhbahi dia a om lai in Toupa zong ni, A nailai in I sam chiat ding uh (Isai 55: 6). Jesu Khrist ginna a I om kei in zaw Vangam I luah kei ding hi.

**Honpel ken Hondampa nunnem,
Ka thum honza in; Nang midangte na veh ngalin,
Kei honpel ken aw.
Honpa, Honpa, ka thum honza in,
Nang midangte na veh ngal in,
Kei honpel ken aw... (BL No. 71)**

KHRISTIAN THUKIZAKNA LAKMAN KHANG

Khristian Thukizakna puahphat semna ding toh kisai in KTZ Managing Board thupukna bang in February 2017 apan postal subscription fee 150 apan 200 in khansak hita ding hi. Nidang a pek 36 hisek pen pek 4 behlap in pek 40 hita ding hi. Saptuam in khateng a suak I neih omsun ahim man in ahoih zaw a puahphat sem ahim na a kipahpih a kithuahpih chiat ding in I kingen ahi.

Hiai toh kisai 2017 leh a ban lam a ding fee pesate hampha uh suak a, 2017 ma a fee bat na neikha te a leng tukha a kipan a lakman khangta ahimman in 200/- a hisap lakman a piak uh ngaivek ta ding hi.

NITENG HATNA LEITHEIH

Niteng hatna, mimal leh innkuan khalam biakna makai, copy bangzah hiam hongtung a adeihten ngaihvun baih hoih ding. copy khata teng 100 man, Care-taker kiang a ngah theih ding hi. Tutung Niteng Hatna copy hongtung hak kha a, poi I sa hi.

LABU LEITHEIH

I saptuam in labu a sut thak lei theih a copy ei kiang a omlelte:

- Biakna Late (solfa toh kithuah) **Rs. 250.**
- Biakna Late leh Pathian Ngaihla (kigawm) **Rs. 300**
- Parallel Bible **Rs. 200**